

Hozan û siyaset-kole û ezbenî



Ferhad Hacî - Zaxo

Bê dudilî em dişên bibêjin ku havlî û hev bendiyeka berçav di navbera hozanê û siyasetê de heye û ev çend e ne xuyakirinek nû ye, lê xala dilêş ew e, hevbendî di navbera hozanê (weku hunerê rastyê) û siyasetê de (weku hunerê direw û xapandinê) dê bi çi reng be? Bêgumane ku her gaveka hozan bi ser siyasetê de zalbû hîngê dê tiştêkê ciwan û nazik serhilbide û berûvajî anga gava siyaset bi ser hozanê de zalbû li wî demî dê tijî guhên hozanvanên dahêner mirin û nexweşî be û bi dehan lêbok û dahol qut dê peyda bibin wekî diyarbûna pirzikan li ser alekên xortan.

Bi giştî:

Du xal di hizir û eqlê hozanvan, rewşenbîr û nivîskarên de hene:

1 - heger hozanvanî (rewşenbîr û nivîskar) di gel bayê dilê siyasetvanan (desthelat) xwe berda û di gel

wan li paporê siwarbû li wî demî hozanvan dibe kirêgirtî (mirtziq) çunku yê li papora siyasetvanan (desthelat) siwar be hemû xwestekên wî bi cih dihên ji derzîkê û heta rûkêtên xweşiyên wekî (peydakirina nanî, xanî, tirumbêlê û kursîkên biryarê û mêzên qumar û meyê û nivîstin di gel periyên deryayî yên nejad kurd, surî, îraqî, lubnanî û terxankirina destgehên ragehandinê û maykên festîvala û hemû pilatformên rewşenbîrî bo helbest û tiyorên hozanvanê li paporê siwar bûyî).

Û bila em ji bîr nekin ku gelek hozanvan hilgirên îdyolojiyek siyasî bûne û hindekan mizgînîkarî bo îdyolojiyek siyasî dikirin û dikin û hindekên dîtir xwîna xwe ji bo îdyolojiyek siyasî rijtîn û hatine zîndankirin û nexweşî dîtin. Li vê derê baş e em bibêjin ku hijmareka desthelatdar û nivîskar û hizirvanan hozanvan bûn wekî:

Hizirvanê navdar Karl Marks, rêberê Çînê Mao Stong, rizgarkerê Vîetnamê Hoşî Mîn e, serokê Senîgal Singur, her wesa xwînkare dîne îslamê (elwelîd bin yezîd) li ser zîkî hate xişandin di nav kolanên Dîmeşqê de ji pêxemet hozanên wî û zêdebarî mîrekê ereban bi navê Seyif Eldewle Elhemedanî ku hozanvanek berniyas bû belê di ser hindê re jî hozanvanê

mezinê ereban Elmw-ten-ebb-y ji kêlb, penc û niyazên wî revî.

2-Heger hozanvanî (rewşenbîr û nivîskar) xwe di qaçê re asê kir û xwe dûrî germatiya siyasetê kir hîngê dê ji sarma bimire û heger jiya dê bimîne dîlê xeman û nebûna pêdivyên jiyanê û dibe desteserê başkirina rewşa xwe û xêzana xwe. Kêm hozanvanan şiyayne hember pêla hev dij rabiwestin û xweşiyên siyasetvan (desthelat) peyda dikin qebûl nekin. Bo zanîn bi dirêjahiya dîrokê û heta evro hozanvan hebûn û hene bi siyasetê, bûne xwedanên kultûrê gelê xwe û dîroka hozanê di qelemên wan de kurtkirî ye û piçeka mayî dê tiyorê li pişt mêzeyan bikin wekî ragehandin wan diyar dike û belku hozanvanên ji wan baştir hene yan jî hebûn di jûrên xwe de yên banê wan ji çînkoyê û axê çêkirî mirine û kesê pariyekê nanî pêşkêşî wan nekir çunku:

A-Li hember siyasetê xwe bernedan ser çokan.

B- Bi duristî di jiyanê negehiştin û davên girêdanê di navbera qonaxên dîrokê û hêlên giştî yên siyasetê û cûnê hozanê de nedîtin yan jî nexwastin.

Duhî û evro û heta sube jî tiştekekê normal e havlî û hevbendî di navbera hozanê û siyasetê de hebe çunku

neberaqil e hozanvan (bo nimûne hozanvanê kurd) di civakî de bijît û hest bi dewleta kurdî neke ewa di sala 1991-ê ji dayik bûyî yan jî hest bi pirsgirêka kurdî neke li parçeyên dîtir yên Kurdistanê... htd. ji kêşeyên siyasî. Lê giring e hozanvan pêkolê bike pirekê çêbike ji bo giştîkirina xemekê yan her kêşeyeka hebe û aşikiraye hozanvan pitir ji mirovên dîtir li azadiyê û yeksanyê digêrhe di nav esmanê paqij de û heta di nav tenekeyên gilêşê jinkên pitpitî de li taxên (RûtaZaxo) û (berojkê-Dihok) ê, ji vê yekê hozanvan rû bi rû siyasîyê dibe.

Di kultûrê rojhelatî de her ji kevn de û heta belavbûna van çend rêzan hêj siyasîyê bi ser hozanê de zal e, siyasîyêvan caran xwe dike babê hozanvanî, û caran xwe dike jêderê wî û caran dibe ezman sorikê wî û caran dibe (wekîl erzaq) ê wî û ya ji hemûyê kembaxtir ew e mayê xwe di pitiriyaya kar û hûrêkirinê jiyana hozanvanî de dike her ji destnîşankirina rengê şortê wî ji bo melevanîkirinê û heta dana pesendekê bo berbûkiyan ku li şahiya hozanvanî tilîliya vedin, û piştî salekê jî giring e nexiryê hozanvanî di koşa wî siyasîyêvanî de bihê sunetkirin da ku tafîl bibe û xweşî jê re peyda bibe.

Ango em dişên bibêjin li

rojhelatî (cihê pêxemberan) hevbendî di navbera siyasîyê û hozanê de wekî (benkê li dû humbanî ye), bi gotinek dîtir hozanvan koleyê siyasîyêvanî ye, di pirtûka (elzîne) ya erebî de wesa dihê gotin ku:

Di serdemê (cahlî ye) ê de hozanvan di nav ereban de li heman rêza pêxemberan bûn di nav gelan de û gava têkelî di gel bajêriyan kirin, hozan kirine jêderê peydakirina nanî. Lewa ji wê rêza pîroz hatine xwarê, paşî îslam û quran hatin û sivkatî bi hozanê kirin û bi direw li qelem dan evca hozanvan pileyeka dîtir hate xwarê, paşî ewan bi xwe jî hozan kirine hunerê xweşirinkirin û xwastinê, lewa di çavên xelkê de kêmbûn.

Pa em?

Carê milletek wekî kurdan ku di sedsalên bîstê de bêbehr bûye ji hemû mafên xwe yên siyasî, civakî, aborî, rewşenbîrî û mirovatî... htd. û ji encamê dagêrkirina Kurdistanê kurdan tam kirine hemû cûnên nexweşiyên û dijminatîyên hemû hêviyên wan dihate û dihête kirin, di wî barî de xwe bi xwe hozan û siyasîyê têkel bûn ango hevbendiyeka qayim di navbera hozanvanî û siyasîyêvanî de hebû û hevbendîya wan ne hevbendîya (benkê li dû hembanê) bû çunku sitem û

zordarî li herdûyan dihate kirin mil bi mil di gel hemû texên dîtir yên civakê kurdî, ango em dişên bibêjin ku sîstemê hizirkirina wan li ser binemayê siyasî bû, bi gotinek dî em dişên bibêjin ji encamê nebûna dewletek kurdî (ku bîst saleka li ber hurebay rabiweste û dezgehên xwe yên cûrewcûr dabimezirîne... htd) û nebûna diktatorekê kurd ku stemê bike û dewleta kurdî li dû hizir, hez û boçûnên xwe û rawêjkarên xwe bajot wekî karwanekê dewaran û hebûna dagêrkeran ku li şûna wî sitem dikir di wî barî de hozanvan bûne du cûn:

1 -Hozanvanên hozan kirin dîlê siyasî û xwe bi qelem û bi siroşa helbestê ve firotin dijminî wî cûrê hozanvanî hozana kurdî hînan nizmtirîn ast (her çend e belku ferhenga zimanê kurdî zengîn kiribe û hindêk peyvên kurdî yên resen ji mirinê parastibin û bi dîwanên hozanên pirtûkek li pirtûkxaneyaya kurdî zêdekiribin) van cûr e hozanvanan li Kurdistana Îraqê di sala 1988-ê helbest li dor bejn û bal û çelengî û qadsiya Sedam Hisên vehandin û dikirine qêrî û li Kurdistana Îranê û di heman sal de helbest li dor îmandariya raberê dîne îslamê Xumeynî vedihandin û di ber re dikirin girî, û di wî demî de kurd di agirê herdûyan de dihatine sotin û wan cûr e hozanvanan bizava

nemirîbûn û zîndîbûna dijminên kurdan dikirin û mizgînîkarî bo armancên dagêrkeran dikirin..

2 -Hozanvanên siyasî bi kilka helbestên xwe ve girêdayin, çeper ji bo berevanîkirin ji peyva kurdî û hêviyên gelê kurd, van cûr e hozanvanan her dem birîna milletê xwe hembêz dikirin ango karê siyasî dikirin. Lewa bi sanahî dihê têbînîkirin ku Hafiz Qazî û Miweyed Teyib û Bedirxan Sindî û Ebdulirehman Mizwîrî û Mihsin Qoçan... htd di salên şêstan û pède binemayê hizirkirina wan siyasî bû bi renekê paqij. Belê piştî serhildana 1991-ê guhorîn peyda bûn li ser hemû astan (rewşenbîrî û siyasî û aborî... htd.) û di ser hindê re jî hindêk hozanvan mane li ser êk û dûya xwe ango bûne zelum û hozanvanên hizban û kiteka kêman mane bê layen û di gel de jî mane bê deng û reng û paşeroj û tirumbêl û xanî û mûçe û... htd. Xwezî hozanvanên xwe dûrî têhin û germatiya siyasî kirin heger hebin û mayin hevalên neteweyê xwe bi hindêk mafan şad bibin ewên hozanvanên hizban jê dixwin.

Hindek pêzanîn min ji van jêderan wergirtin:

1 -Hoşeng Şêx Mihemed, derçûn ji desthelata manaey-xwandinek bo binemayên giştî yên şîra devera Behdînan, Kurdistan-2005.

2 -Nureldîn Bedran, fî elşîr û elsiyase, elhwar elmutemedin/hejmar (968), 26/9/2004.

3 -Beyan Sifedî, mihawelat fî fehîm elşîr.